

Mezopotamija

**Mardin – Gobeklitepe – Sanliurfa – Harran – Nemrut – Halfeti -
Gaziantep**

Avionom iz Sarajeva, 6 noćenja, svi obilasci uključeni u cijenu!

Polazak: 29.03.2026. (Nedjelja)

Povratak: 04.04.2026. (Subota)

Mezopotamija, legendarna "kolijevka civilizacije", očarava svojom poviješću, tradicijom i neponovljivim pejzažima. U turskom dijelu ovog povijesnog prostora, grad Mardin oduševljava svojim zlatnim kamenim kućama smještenim na padinama planine, s pogledom na beskrajnu sirijsku ravninu. Mistični Sanliurfa, grad legendi i proroka, krije drevna čuda poput Göbekli Tepea, najstarijeg svjetskog hrama, dok Gaziantep mami nepca svojom slavnom kuhinjom i otkriva ljepotu antičkog svijeta kroz fascinantne mozaike muzeja Zeugma. Ovo putovanje vodi vas u srce povijesti i kulture, gdje se svaki korak isprepliće s pričama koje su oblikovale svijet

1. DAN 29.03.2026. (Nedjelja) SARAJEVO – ISTANBUL - MARDIN

Sastanak grupe na Međunarodnom aerodromu Sarajevo u 07:00 sati. Prijava za let Sarajevo– Istanbul - Mardin. Dozvoljena težina prtljaga do 23 kg za predani prtljag + 8 kg za ručni prtljag. Let u 09.05 sati. NAPOMENA: Putnici predaju prtljag na aerodromu Sarajevo, a preuzimaju na aerodromu Mardin. Dolazak u Istanbul planiran je u 12.05 sati. Nastavak leta Istanbul Mardin u 17:25 sati. Planirani dolazak u Mardin u 19:20 sati Pasoška kontrola, pruzimanje prtljaga i transfer do hotela u Mardinu. **Noćenje.**



2. DAN 30.03.2026. (Ponedjeljak) MARDIN – DARA - MARDIN

Doručak. Nakon doručka slijedi obilazak grada Mardina. Mardin je historijski biser jugoistočne Turske, smješten na strateškom brdu s pogledom na plodnu ravninu Mezopotamije. Povijest grada seže unazad hiljadama godina, a njegovo ime potječe od aramejske riječi Marde, što znači "utvrda". Zbog svog položaja na drevnim trgovačkim putevima, uključujući Put svile, Mardin je bio važno središte trgovine, kulture i religije. Grad su kroz historiju naseljavale mnoge civilizacije, poput Sumera, Asiraca, Perzijanaca, Rimljana, Bizantinaca, Arapa i Osmanlija, a njihov utjecaj vidljiv je u arhitekturi i kulturnoj baštini Mardina. Njegova stara gradska jezgra, zaštićena kao kulturna baština, poznata je po građevinama od vapnenca, među kojima se ističu: **Zinciriye medresa** (1385.), islamski obrazovni centar iz doba Artuklida, s impresivnim kupolama i pogledom na ravninu, **Samostan Deyrulzafaran**, jedan od najvažnijih sirijskih pravoslavnih samostana, s poviješću starom preko 1.500 godina, **Džamija Ulu**

Camii, čuvena po svojoj imponantnoj minareti i harmoničnom spoju seldžučke i islamske arhitekture. Preporučujemo da kupite srebro najfinije izrade, ručno rađene sapune i/ili maslinovo ulje. Popodnevne slijedi posjeta jednoj od najfascinantnijih lokacija Jugoistočne Turske: **Antičkom gradu Dara**. **Ovaj grad** će nam otkriti tajne povezanosti Istoka i Zapada, na izmaku Antike i početka Srednjeg vijeka. Osnovan početkom 6. stoljeća u Gornjoj Mezopotamiji, na strateški pogodnoj lokaciji koja se nalazila na istorijskom **Putu svile, Dara (Anastaziopolis)** brzo postaje jedan od najprosperitetnijih gradova regije, kojeg danas zovu „**Efes Mezopotamije**“. Imponantni tragovi grada, prekrivaju teritoriju od 9 km². Obići ćemo **gradske zidine i grobnice i kuće uklesane u liticama**. Potom idemo do **cisterne u Dari**, jedno od čuda antičkog svijeta, gdje ćemo istodobno vidjeti i ostatke **antičke agore te mostova i kanala**. Povratak u Mardin. **Noćenje**.

3. DAN 31.03.2026. (Utorak) MARDIN – GOBEKLITEPE – HARRAN – SANLIURFA

Doručak. Odjava iz hotela. Nastavak puta nas vodi ka arheološkom nalazištu **Göbekli Tepe** (turski za "trbušasto brdo"). Otkriće Göbekli Tepea, mjesta koje je UNESCO uvrstio na listu svjetske kulturne baštine, dovelo je u pitanje dosadašnja saznanja o prahistorijskim vremenima. Kada je 1994. godine Nijemac **Klaus Schmidt** u Turskoj otkrio ovo drevno svetište, barem dvostruko starije od bilo čega sličnog na svijetu, čak 7.000 godina starije od **Stonehengea** ili 5.500 god. od prvih gradova u Mezopotamiji, svi su bili u šoku. Kompleksne isklesane obredne stijene sa slikama životinja potječu iz 9000. godine p.n.e., dakle iz vremena prije nego što su ljudi počeli obrađivati zemlju. Nakon Gobeklitepe posjećujemo Haran, Za **Harran** su karakteristične kuće koje izgledaju kao košnice, izgrađene u kružnom obliku od nepečene opeke, bez upotrebe drveta, i zasvođenim krovom. Oblik ovih kuća osigurava hladnoću i svježinu, prijeko potrebnu ljudima haranskog podneblja koji su izloženi velikim vrućinama, ali i toplinu tokom hladnih dana. Iako izvana ove kuće izgledaju male, iznutra zapravo se vidi njihova prava veličina i prostranost, a u njima su nekada živjele mnogobrojne porodice. Smatra se da ovakav način gradnje kuća potiče od Bantu naroda. Harran je danas poznatiji po neobičnim kućama u obliku košnica nego kao mjesto gdje je poslanik Ibrahim a.s. (kršč. Abraham) proveo nekoliko godina svoga života. Nekada je bio poznat kao Helenopolis koji su 1260.g. spalili i uništili mongolski osvajači. Među arheološkim nalazima nalaze se najstariji

islamski univerzitet i gradske zidine iz 8. vijeka. Za kraj ćemo posjetiti pećinu u kojoj se pretpostavlja da je rođen poslanik Ibrahim a.s. te jezero Balikli Gol, mjesto gdje ga je kralj Nimrud bacio u vatru. Nakon obilaska slijedi odlazak u Šanlıurfa. **Noćenje**.

4. DAN 01.04.2026. (Srijeda), SANLIURFA – NEMRUT – ADIYAMAN

Doručak. Odjava iz hotel. Polazak prema Adiyamanu. Vožnja predjelima pokraj rijeke Eufrat gdje je 1977.g. izgrađena prva hidroelektrana "Ataturk" koja je vrlo važna za razvoj poljoprivrede ove regije s obzirom da osigurava značajne količine vode, ribe i električne energije. Nastavak putovanja prema mjestu Adiyaman kao polaznu tačku za posjet Nemrutu. Na Nemrut se polazi kombi busovima preko mjesta Kahta gdje ćemo obići izuzetno očuvani, lučni kameni most rimskog cara Septimija Severa. Most (tur. Cendere Köprüsü) je sagradio rimski general stacioniran u Samsatu (antička Samostata) i posvetio ga tadašnjem rimskom caru Septimiju Severu, carevoj drugoj ženi – carici Juliji Domini (djevojci porijeklom iz Sirije – nedaleko od ovih krajeva), i njihovoj dvojici sinova Karakali i Geti. Nakon obilaska mosta, nastavak vožnje do polazne tačke za uspon na Nemrut. Nemrut ili Nemrud je 2.134 metra visoka planina, ali je najpoznatija je po arheološkim ostacima velikog broja skulptura u blizini njezina vrha za koje se vjeruje kako su ostaci kraljevske grobnice Antioha I. Komagenskog iz 1. vijeka p.n.e. Same statue prikazuju grčko-perzijski panteon božanstava. Na vrhu ćemo dočekati zalazak sunca i prošetati se po nalazištu. Na križanju istočne i zapadne civilizacije, planina Nemrut je zasigurno jedno od najveličanstvenijih lokaliteta. Nakon obilaska Nemruta povratak u hotel u Adiyamanu. **Noćenje**.

5. DAN 02.04.2026. (Četvrtak), ADIYAMAN – HALFETI – GAZIANTEP

Doručak. Odjava iz hotela. Polazak prema Gaziantepu. Vozimo se uzduž nepreglednih plantaža pistacija. Sjeveroistočno od Gaziantepa, na rijeci Eufrat nalazi se mjesto Eski Halfeti. Nekada samo Halfeti, nalazilo se na obronku brda, a nakon izgradnje brane Biredžik, mjesto je potopljeno, a 15km dalje, izgrađen je novi grad. Od tada služi i kao scenografija popularnih turskih serija. Plovićemo po predivnom jezeru, a za vrijeme plovidbe vidjećemo brojne polupotopljene kuće, drveće, džamije, kulturne spomenike. Na jednom od vrhova vidjeti ćemo i ostatke Rimske tvrđave (Rum Kale), a dalje i potopljeno selo Savaşan Köyü sa čuvenim u polupotopljenim minaretom Batik džamije. Nedaleko od Halfetija na vapnenačkoj stijeni kraj rijeke Eufrat gnjezi se endemska vrsta ptice, bliskoistočni ćelavi ražanj – vrsta ibisa koja je pred izumiranjem. Nastavljamo do Zeugma – muzeja mozaika, najveći je to muzej ove vrste u svijetu. Istoimeni antički grad, smješten uz Eufrat, bio je jedan od najznačajnijih gradova Rimskog carstva. Sa arheološkim iskopavanjima na lokalitetu nekadašnje Zeugme počelo se davne 1987. godine, a radovi su završeni 2013. godine. Mozaici otkriveni u iskopinama izloženi su u muzeju od 2011. godine. U antičkom su dobu,

između ostalog, korišteni i kao pločnici kojima bi se ukrašavali grbavi gradski putevi i dvorišta domova rimskih velikana. Nastavak putovanja prema Gaziantepu, smještaj u hotel. **Noćenje.**

6. DAN 03.04.2026. (Petak), GAZIANTEP

Doručak. Obilazak grada gastronomije – Gaziantepa. Ako pitate Turke za Gaziantep, svi će odmah početi pričati o baklavi. Zbog raznovrsne i ukusne kuhinje, UNESCO je 2015. godine Antep (kako ga lokalno stanovništvo kratko naziva) stavio na listu kreativnih gradova svijeta. Kada je riječ o kulinarsvu turska prijestonica baklava, potpuno je opravdala ovaj status, jer je prema nekoj slobodnoj procjeni u centralnom dijelu grada otprilike svaka peta trgovina “baklavdžinica” (ima ih preko 180) i pravo je čudo kako sve opstaju. Pored baklave, Lahmadžun (ukusna pizza sa začinenim mesom i začinskim biljem), İçli Köfte (vrsta ćufteta koje se priprema s tijestom od narezane pšenice i mesa, a potom prži) i Salep dondurma (turski “tučeni sladoled koji se razvlači kao žvaka i čija je baza sušeni korijen salepa, lukovice divlje orhideje) tri su poznate delicije ovoga kraja. Gaziantep je jedan od najstarijih kontinuirano naseljenih gradova na svijetu. Prefiks Gazi (herojski) dobio je 20-ih godina prošlog vijeka kako bi se obilježila slavna bliska prošlost – odolijevanje pokušaju francuske okupacije ovog grada, nakon završetka Prvog svjetskog rata. Danas je to milionski grad, 6. najveći u Turskoj. Grad se sastoji od dva urbana okruga: Şahinbey i Şehitkamil. U starom dijelu Gaziantepa, na vrhu brda nalazi se tvrđava – Kale koju su podigli Rimljani, a obnovili Vizantijci (car Justinijan, 6. vijek). Unutar zidina postoji mali historijsko-vojni muzej posvećen lokalnom stanovništvu koje je grad branilo od osvajачkih pohoda francuske vojske 1920. godine.

Niže tvrđave, niz Kanber Sokak proteže se kvart sa starim zanatima, bakalnicama i djelimično pokrivenim bazarom – “Bakırcılar çarşısı”, koji se sastoji od kompleksa bazara u kojima se ljudi bave raznim zanatima. U blizini se nalazi i jedna od nekadašnji

mnogobrojnih crkvi – Kendirli Kilisesi, francuska crkva čije je podizanje pomogao Napoleon III, 1860. godine. Najpoznatija trgovina baklave u gradu je Imam Cagdaş. Ne propustite probati čuvenu fistik baklavu koja se priprema od čuvenoh antepskog pistacija. Panoramski obilazak Gaziantepa, te tvrđave i muzeja unutar tvrđave. Dan je predviđen za shopping i odmor, razgledanje bazara i ostalih vlastitih aktivnosti. Noćenje.

7. DAN 04.04.2026. (Subota) GAZIANTEP – ISTANBUL – SARAJEVO

Doručak. Slobodno vrijeme do polaska na transfer. Transfer do aerodroma u Gaziantepu. Prijava za let na relaciji Gaziantep – Istanbul, let u 15:00 sati. Dolazak u Istanbul planiran je u 16:55 sati. Nastavak leta Istanbul – Sarajevo u 18:50 sati. Dolazak u Sarajevo planiran je u 19:45 sati. NAPOMENA: Putnici predaju prtljag na aerodromu Gaziantep, a preuzimaju na aerodromu Sarajevo. Dozvoljena težina prtljaga do 23 kg za predani prtljag + 8 kg za ručni prtljag. Kraj programa.

CIJENA: 1899,00 KM za rezervacije do 31.01.2026.

CIJENA UKLJUČUJE:

- Avio prevoz na relaciji Sarajevo – Mardin i Gaziantep – Sarajevo (Via Istanbul), u ekonomskoj klasi, avio kompanija Turkish Airlines, aerodromske takse,
- predani kofer do 23 kg,
- ručni prtljag do 8 kg,
- bus transfere prema programu putovanja,
- svi obilasci prema programu putovanje (bez ulaznica)
- smještaj u hotelu 4* u Mardinu na bazi 2 noćenja sa doručkom, u dvokrevetnim sobama,
- smještaj u hotelu 4* u Sanliurfi na bazi 1 noćenja sa doručkom, u dvokrevetnim sobama,
- smještaj u hotelu 4* u Adiyamanu na bazi 1 noćenja sa doručkom, u dvokrevetnim sobama,
- smještaj u hotelu 4* u Gaziantepu na bazi 2 noćenja sa doručkom, u dvokrevetnim sobama.
- usluge Golden tours-ovog pratioca grupe tokom putovanja (od polaska do povratka),
- usluge lokalnih vodiča na engleskom jeziku.
- troškove organizacije i rezervacije.

Primjeri hotela: Park Dedeman Mardin. White Star hotel Adiyaman, Dedeman Sanliurfa, Park Dedeman Gaziantep.

CIJENA NE UKLJUČUJE:

- Obavezno međunarodno putno zdravstveno osiguranje 15,00 KM, osobe od 60 do 70 godina plaćaju 30,00 KM, osobe preko 70 godina 6,00 KM po danu,
 - obavezna doplata za paket ulaznica 90 EUR (180 KM),
 - doplata za 1/1 sobu 450,00 KM,
 - doplata za 6 večera u hotelima, 120,00 KM po osobi
- Paket ulaznica uključuje ulaznice za:
- Ulaznicu za Arheološki lokalitet Gobekli Tepe,
 - Kartu za brod te plovidbu kod Halfetija,
 - Ulaznicu za arheološki lokalitet u Dari,
 - Ulaznicu za Deyrulzafaran samostan,
 - Ulaznicu za Zeugma muzej,
 - Ulaznicu za tvrđavu u Gaziantepu,
 - Ulaznica za muzej u tvrđavi u Gaziantepu,
 - vožnja do planine Nemrut i ulaznica na lokalitet.

PLAĆANJE: 40% iznosa odmah po rezervaciji, ostatak iznosa 20 dana do polaska na putovanje

NAPOMENA:

Moguća je promjena redoslijeda fakultativnih izleta i posjeta u skladu sa vremenskim i drugim uslovima, što ne može uticati na kvalitet programa. Kalkulacija rađena na bazi 25 putnika. **U slučaju manjeg broja putnika, povećanja cijene goriva i drugih kalkulativnih elemenata zadržavamo pravo povećanja cijene aranžmana ili otkaza putovanja najkasnije 5 dana do polaska na putovanje.** Uz ovaj program važe opšti uslovi o organizovanju putovanja Golden tours doo Tuzla, a koji se nalaze na www.goldentours.ba

Datum objave programa putovanja: 18.12.2025.godina

